

TSWVYIM LOS NTAWM VAJ NTSUJPLIG

Spiritual Gifts

Zaajqha 4 – 1 Kaulithus 14:1-40

Lub Tswvyim Ntawm Vaaj Ntsujplig Kws Tseemceeb Dlua

Lu lug Aaskiv Spiritual Gifts mas zoo muab txhais ua lug Moob has tas "Khood Plig" vim yog Vaaj Ntsujplig muab. Tabsis lu lug nuav yog txhais ntawm lu lug Kilis (Greek) Charisma. Lu lug ntawd txhais has tas Spirit Giftedness lossis "lub tswvyim kws ntsujplig muab." Yogle, peb txhaj pheej siv lu lug "tswvyim" ntau dlua hab siv lu lug "khood plig" tsawg dlua. Tabsis yog tuab lub ntsablug.

Nyob huv Zaajqha 1 (1 Kaulithus 12:1-8), peb kawm txug 9 lub tswvyim kws Vaaj Ntsujplig muab. Zaajqha 2 (Efexaus 4:1-15), peb kawm txug 5 lub tswvyim, hab nyob huv Zaajqha 3 (Loo 12:1-8), peb kawm txug 7 lub tswvim kws Vaaj Ntsujplig muab. Xaam huvsy yog 21 lub tswvyim. Tabsis ibtxha suav has tas yog 20 lub tswvyim xwb vim zoole Efexaus has txug 4 lub tswvyim xwb.

Taagrho tej tswvyim kws Vaaj Ntsujplig muab nuav mas lub kws ua rua cov ntseeg totaub sis txawv hab ua rua suavdawg sis faib paab faib pawg mas yog lub tswvyim has lug txawv-txawv (tongue speaking).

Nyob huv 1 Kaulithus tshooj 14, tug Timthawj Polus txhaj muab lub tswvyim nuav koj lug pev rua lwm lub tswvyim, tshwjxeeb yog pev rua lub tswvyim kws qha Vaajtswv txujlug (prophecy or preaching). Nyeem kuas taagrho tshooj 14 uantej koj teb cov lug nug.

1. Lub ntsablug nyob rua ntawm nqai 4 hab nqai 5. Ob nqai nuav has lecaag?

2. Txhua yaam lug puavleej yog lug noobneej. Thaus has lawm tuabneeg yuavtsum totaub. Nyob huv phoo Cov Tubkhai Tegnum tshooj 2 mas tug Timthawj Petus qhuabqha ua lug Yixalayeess (Xeev Kalilais lub suab) tabsis Vaaj Ntsujplig muab txhais ua 15 haiv tuabneeg kws noog Petus qha nub ntawd nov has tas yog puab cov lug. Nyob huv 1 Kaulithus 14 nuav nqai 13, nqai 27 hab 28 qha lecaag?

3. Tam nuav muaj ntau pawg ntseeg kws txhawb qhov has lug txawv-txawv tau tso sijhawm rua suavdlawg has tej lug txawv-txawv ntawd thaus puab tuaj pehawm Vaajtsww uake. Tug yuav has nrov lecaag los muaj. Tug yuav qw lecaag los muaj. Tug yuav sawvntsug, yuav nyobtsawg, yuav pw huv plaagtse, yuav txhuscaug, yuav dlha moog-lug los muaj. Nqai 23 hab nqai 33 qha lecaag?

4. Nyob rua huv nqai 18 hab 19, Polus ntuag peb lecaag?

5. Polus lu lug ntuag thaus xaus nyob ntawm nqai 39 hab 40. Nwg xaus lecaag?

6. Lawv le ob nqai xaus nuav Polus kuj tsi txwv kag has tas tsi pub has lug txawv-txawv thaus pehawm Vaajtsww, tabsis yuav tau tswj lecaag txhaj tsi muaj kev kub-ntxhuv?

7. Koj puas txawj has lug txawv-txawv? Koj puas tau has dlua? Thaus koj kawm zaajqha nuav taag, koj xaav lecaag?

8. Yog koj tsi txawj has lug txawv-txawv, koj puas tau raug tej phoojywg kws has lug txawv-txawv thum koj lossis suav has tas koj tsi yog puab ib phaab (level)? Yog muaj le ntawd nua koj xaav lecaag? Hab zaajqha nub nua paab tau koj lecaag?

Tshuav ob lu lug nug le nuav:

1. Nqai 22 txhais lecaag? Txhais has tas kev has lug txawv-txawv, yog Vaaj Ntsujplig tshoov lwm tug sab txhais cov lug ntawd rua cov tsi ntseeg nov ces ua tau povthawj rua puab paub has tas muaj Vaajtswv hab Nwg muaj fwjchim tag-tag. Taabsis tej lug kws peb najnub qhuabqha (*prophecy/preaching*) huv *church* ces yog txhawb cov ntseeg xwb.

2. Uacaag txhaj tsi pub has lug txawv-txawv thaus pehawm Vaajtswv yog tsi muaj tug txhais? Vim kev has lug yuavtsum yog has kuas txhawb tau lwm tug lub zug lossis txawb tau puab txuj kev ntseeg (*edify*) le nqai 3, 4, 5, 12, 17, hab nqai 26. Lu lug Kilis "*oikodome*" txhais has tas "qhuas, lossis txhawb." Has lug txawv-txawv tes qhuas tsi tau hab txhawb tsi tau leejtwg vim luas tub tsi totaub. Tabsis tej lug qhuabqha (*prophecy/preaching*) tes txhajle yuav txhawb tau puab xwb.